



586

J

20



Early European Books, Copyright © 2011 ProQuest LLC.  
Images reproduced by courtesy of Koninklijke Bibliotheek, Den Haag.  
586 J 20





Early European Books, Copyright © 2011 ProQuest LLC.  
Images reproduced by courtesy of Koninklijke Bibliotheek, Den Haag.  
586 J 20



Early European Books, Copyright © 2011 ProQuest LLC.  
Images reproduced by courtesy of Koninklijke Bibliotheek, Den Haag.  
586 J 20




Early European Books, Copyright © 2011 ProQuest LLC.  
Images reproduced by courtesy of Koninklijke Bibliotheek, Den Haag.  
586 J 20

586 HW  
720



~~Handwritten scribbles and faint markings, possibly a signature or initials.~~





CHRISTOPHORI WITTICHII  
Philosoph. & Theolog. Doct.  
ejusdemque Prof. Ord.

GIBEA GELRICA

Sive

O R A T I O

*Quâ convenientia inter Gibeam Benjaminis &  
Neomagum demonstratur,*

IN TEMPLO MAJORI HABITA,

Cum Recturam Magnificam in Celeberrimum Visum

Dn. Petrum de Greve Idem transferret

Die 3. Maji. cl. cl. c. lvi.



KONINKL.  
BIBLIOTHEEK  
TESSAGE.

NOVIOMAGI,

Typis NICOLAI ab HERVELT Tetrarchię Noviom.  
Universitatis Typographi cl. cl. clvi.

*Nobilissimis, Amplissimis, Consultis-  
simisque Viris*

Dn. Dn. CONSULIBUS,  
SCABINIS & SENATO-  
ribus inclytæ Reipublicæ Neo-  
magenfis Moderatoribus Sa-  
pientissimis, æquissimis

*Salutem in Domino*



Obilissimi, Amplissimi, &  
Prudentissimi Domini Vos  
patronos oratio mea nunc  
typis edita desiderat, ad  
quos antehâc vivâ voce fuit habita,  
quiq; eam suffragio proprio, dum non  
tantum publica luce dignâ censuistis,  
sed ut & per me id consequeretur seriò  
injunxistis, vestræ clientelæ adjudicâ-  
stis. Novi enim non defuturos Zoilo-  
rum

rum mordaces dentes , qui facilè ar-  
ripiant, quod rodant. Atque ego dum  
meam in dicendo tenuitatem confide-  
ro, & quàm parum ad hanc palæstram  
sim instructus perpendo , fateor non  
inventuras delicatorem aures , quod  
satisfaciat vel arrideat , quorum cupi-  
ditatē ut hanc orationem me explere non  
posse intelligo, ita V.V.N.N.A.A. erit,  
ut quemadmodū adhuc me ipsum be-  
nevolis vestro favore & patrocinio  
contra malevolos famæ meæ aduerfa-  
rios fecistis tutum, ita hanc orationem  
contra calumniatores, quorum censu-  
ram non potuit effugere prima oratio  
nemini propter strepitum & tumultū  
intellecta, qui alios quàm semet, tamen  
si larga materia suppetat reprehende-  
re ma-

re malunt, tutelâ vestrâ protegatis. De  
quâ quoniã nullus dubito, eò facilius à  
me potui impetrare, ut hoc, quicquid  
est, à mea tenuitate profectum publi-  
cam lucem adspicere juberem. Acci-  
pite ergo serenâ fronte exiguum hoc  
munusculum, quod antequam obla-  
tum solo vestro favore dignum, ut hic  
vobis exhiberetur, reddidistis. Deus  
Vos quâ publicæ quâ privatæ rei feli-  
citer diuque velit præesse. E Mu-  
seo meo. 3. Cal. Sept. M. DC. LVI.

*V.V. N.N. A.A.*

*addictissimus*

CHRISTOPHORVS WITTICHIVS

*Phil. & Th. D. eiusdemq;*

*Prof. Ord.*

*Christophori Wittichii*

G I B E A G E L R I C A

**N** Eminem ferè veſtrùm puto,  
Illuſtres & Potentes Tetrar-  
chiæ Noviomagenſis Depu-  
tati, Nobiliſſimi Curatores,  
Ampliſſimi Conſules, Prudentiſſimi Se-  
natores, Clariſſimi Profeſſores, Reveren-  
di Paſtores, Voſque quotquot a deſtis o-  
mium Ordinum Doctores & Auditores  
ſpectatiſſimi, Tuque Nobiliſſima juven-  
tutis ſtudioſæ Corona, Neminẽ veſtrùm  
puto, qui non grata recordatione mecum  
recolat, quanta ante annum ſolemniſ illa  
Fetiivitas ad feliciter jacienda Academiae  
noſtræ fundamenta publicâ authoritate  
indicta animorum omnium exultatione,

A quan-

*Christophori Wittichii*

quanta ad hauriendas voces Doctorum  
juventutis novas hominum congregati-  
one fuerit celebrata, dum ipsæ Arbores è  
nemoribus proximis accurrere, ipsi fon-  
tes & stagna propius affluere, cœlum o-  
mne nobis ridere, ipsi montes extra &  
parietes intra urbem quodammodo gesti-  
re & exilire viderentur. Annus feliciter  
est elapsus, qui huic Academiae non con-  
temnenda dedit initia, concurrente huc  
frequente Studioforum cœtu, ac variis  
exercitiis profectus suos declarante, quod  
pulchrum auspiciū nobis videtur pro-  
mittere majora in dies à Dei benedictio-  
ne incrementa. Atque hodie illuxit au-  
spicatus ille dies, natalis nostræ Univer-  
sitätis, quem jure merito festum publicâ  
lætitiâ agimus. Rediit mense Majo solem-

ne

*Gibeæ Gelricæ.*

ne nostrum sacrum nunquam quamdiu hic orbis steterit ( ita voveo & auguror ) intermittendum. Olim Romæ festum in honorem Castoris & Pollucis à Claudio Imperatore, ut opinio fert Doctorum, institutum, quoniam mense Majo celebrabatur, *Majuma* fuit appellatum. Id nominis non incommodè ad solemne hoc nostrum sacrum, quod eodem mense agitur, videor posse transferre, ut ita singularis lætitiæ diei singulare etiam nomen imponatur. Salve ergo Majuma nostra sæpiusq; revertere, atque ad seros nepotes continua. Festam tuam solemnitatem summâ veneratione, maximâque animi lætitiâ agere convenit. Hunc in finem, utque solemni ritu successor in functione Recturæ Academicæ investatur hæc amplissima omnium Ordinum

A 2

coro-



*Christophori Wittichii*

corona convenit , atque à me expectat,  
ut priusquam me ipsum hoc munere exu-  
am , successoremque à Nobilissimis Dnn.  
Curatoribus designatum nominem , mo-  
re solito de materia ab hisce sacris non a-  
liena verba faciam. Mihi verò confide-  
ranti huic consuetudini receptæ obtem-  
perandum, atque de materia commoda  
solicito , in mentem venit non futurum  
inconveniens , nec forte auditorio am-  
plissimo ingratum , neque à mea functio-  
ne alienum , si comparatione instituta in-  
ter Gibeam,quæ olim collegium Prophe-  
tarum populique Israëlitici Academia ,  
nostramque Urbem,quæ Academia incla-  
rescere incipit , earum convenientiam  
& suavem harmoniam ostenderem. Ad  
quod peragendum antequam me accin-  
gam

*Gibea Gelrica.*

gam, ad Deum ter Opt. Maximum oculos & mentem converto, inque ejus nomine præmissa oratione hunc actum auspikor:

*Benigne & Misericors Deus gratia sit tibi dicta à nobis omnibus, quòd, postquam ante annum summus esse voluisti Academiæ fundator, eidem leta & optata hæctenus concessisti incrementa. Tu qui sancti hujus operis author es primus illud promove, & ad laudes tuas dirige, & quam Academiã novam laudibus tuis perpetuò resonandis Illustres Proceres condiderunt, quam nomini tuo portam hîc aperuerunt, hodie ac semperne subire dedigneris. Qui posuisti gloriam tuam super cælos, ex ore parvulorum & lactentium funda fortitudinem, para tibi laudem propter inimicos tuos, & qui nunc ades nobis benedictus, huic omni benedic. hereditati, Amen.*

Vos

*Christophori Wittichii*

Vos verò omnium Ordinum Auditores favete animis, qui adestis corporibus, & dum sine ornamentis, sine Rhetorum coloribus & pigmentis, sine calamistratis verbis solo vestro favore nixus, aliquid de propositâ materiâ delibo, vacuas & attentas aures quæso præbete.

Academia Athenis primum inclaruit, atque quamvis ea vox ad varia designanda adhiberetur, communissimè tamen significavit locum literis docendis & discendis atque eò usque deducendis, ut ad publica munera quis aptus reddatur, dedicatum, eumque qui in istum finem ibidè conveniret cœtum. De origine vocis non est eadem omnium sententia. Quidam ab Academio quodã sive Academo viro illustri derivant, quem privatam suã  
possessi-

*Gibea Gelrica.*

possessionē publico studiorum causa addi-  
xisse, eiq; nomen suum indidisse volunt,  
estq; hæc Laërtii in Platone opinio. Alii  
in alia omnia eunt atque ad Kadmum ori-  
ginem hujus nominis referunt. Kadmus  
autem nomen Phænicium est significans  
*Antiquum*, hoc est, eum qui dignitate, offi-  
cio, functione & procuratione, vel etiam  
tempore ac loco aliisve modis ante cæte-  
ros eminebat. Hoc sensu Cadmo illi, cu-  
jus Historiæ frequenter meminerunt id  
nominis est tributum propter officiū cum  
dignitate conjunctum & actiones quas in  
functione illius officii edidit, quomodo  
nunc Antistites vel Antecessores dicun-  
tur, qui in Ecclesiis vel Academiis a-  
liis præsent. Præter enim varia alia  
ejusdem instituta de eo memoratur,  
quòd

*Christophori Wittichii*

quòd, ubicunque fuerit, literarum ludos  
constituerit ac hominum congressus hu-  
maniorum literarum & studiorum adju-  
mento expoliverit. Illud quoq; memoriæ  
nominis ejus tribuitur, quod in Bæotiâ  
Cadmíam sive Cadmiam arcem Theba-  
rum gymnasiumq; instruxerit, nomenq;  
Cadmeis indiderit, qui sedibus postea  
pulsæ ab Argivis Athenis in civitatem  
recepti fuerunt, doctrinisque quam plu-  
rimis, præsertim literarum studiis ad hu-  
maniorẽ vitam eos induxerunt, atq; inde  
factum, ut similiter ac Thebis antehâc  
gymnasiũ, ita Athenis Kadmia sive Kad-  
mia atque per prothesin literæ a Acade-  
mia sive Academia appellaretur. Postea  
Attica hæc appellatio ad alia quævis loca  
studiis destinata commeavit, sive publicè  
sive

*Gibea Gelrica.*

sive etiam privatim studiorum causa fuerint comparata. Hujusmodi fuit Arpinas illa & Tusculana, atque tertia Ciceronis inter Avernū lacum Puteolosque sita olim percelebris. Athenis verò procedente tempore Academia distincta fuit à Lycéo Aristotelis & Peripateticorum, ex quo illi ab Academiâ, in qua docuerunt Plato & ejus discipuli, secessionem fecerunt. Communis tamen significatio alibi mansit, ut pro cœtu hominum studia literarum exercentium ac metonymicè pro loco ubi studia docendo discendoque exercentur sumeretur.

Quemadmodum verò vox Academia apud Græcos à quibus traducta est ad Latinos in dictâ significatione fuit usurpata, ita apud Hebræos, apud quos studia lite-

B

rarum

*Christophori Wittichii*

rarum antiquissima, obtinuit, ut locus habendis conventibus scholasticis destinatus Gibha sive Gibeā vel Gabaa fuerit appellatus. Nomine quod respicit morem illum antiquissimum, quo talibus conventibus habendis eminens sedes in editioribus quibusque locis destinabatur. Atque hinc non sine ratione deduxeris veterem illam Gabiorum apud Volscos in finibus Latii appellationē, apud quos Latinorum schola Volscorumque, quam Phænices Cadmēos & progeniē eorum Tyrrhenos Oscos sive Hetruscos statuiffe ferunt, ad quam ablegati traduntur Romulus & Remus, ut ibi disciplinam Græcam addiscerent. Ut ita Latini non tantum voce à Græcis traductâ locū studiis destinatum designarint, sed ad idem signi-

*Gibea Gelrica.*

significandum etiam vocē Hebræam videantur usurpasse.

Academia ergo apud Hebræos est locus altus, est Gibea, vel potius: Gibea est oppidum altiori situ collocatum, in quo collis Dei sive populi Israëlitici Academia. Quâ in re magna eî cum Neomago Batavorum oppido cognatio intercedit. Tota nostra civitas colli superstructa est, ac *collis Dei*, nostra Academia, locum civitatis ferè supremum & altissimum occupat. Videntur autem Israëlitæ studiis destinasse Gibeam urbem propter altitudinem, quòd loci alti ad studia literarum excolenda commodissimi existimentur. Hinc Musas montes & loca alta habitasse Poëtæ fingunt, ac Heliconis verticem iis

B 2

assignant



*Christophori Wittichii*

assignant, à quo & Heliconiades fuerunt dictæ, sicut Pierides à Pierio Theſſaliæ monte. Cujus quidem rei variæ poſſunt reddi rationes; nimirum, quòd montes ſpeculæ vicem præſtent, unde longè latè- que circumquâque proſpicere licet, ama- noq; variarum rerum adſpectu animum exhilarare. Quæ animi hilaris diſpoſitio magnum confert ad ſpeculationẽ & con- templationem rerum ſubtilium momen- tum. Dicit etiam poteſt, montes Muſa- rum habitaculum fuiſſe conſtitutos pro- pter ſolitudinem, quòd illi ſua acclivitate & viæ difficultate viatores aut alios im- portunos interpellatores à ſe avertant. Quantum autem ſolitudo commoditatis ſtudiis literarum conferat, nemo eſt, qui ignoret. Verum-enim-verò præcipua  
cauſa

*Gibea Gelrica.*

causa, ob quam montes Musarum habitaculum sunt constituti mihi hæc videtur, quòd denotare voluerint, arduam esse & difficilem ad sapientiam viam, multo sudore & labore emetiendam, eos tamen qui indefesso studio superaverint ad sublimem altissimarum rerum cognitionem deduci. Admittuntur enim Musarum cultores ad spectanda pro conditione hujus vitæ mysteria divina, in quæ & Angelis olim libuit introspicere; panduntur eis secretiores Juris recessus, quid æquum & iniquum, honestum & turpe, justum & injustum sit iis enucleatur, introducuntur in Naturæ arcana indoctis inaccessa, quibus non tantum animum insigni rerum speculatione perficiunt, sed etiam magnam utilitatem generi humano tum ad

*Christophori Wittichii*

fanitatis conservationem tum ad variarum artium inventionem conferunt; spectant tanquam in tabulâ varias hominum actiones & mores, omnemque rem gestam ab orbe condito usque ad nostra tempora perlustrant. Atque ut in summa dicam, quicquid est humanæ & divinæ cognitionis Musarum mystis penetrare datur. Huc verò vos, Nobilissimi & Ornatissimi Dn. Studiosi Situs Academiae nostræ in loco altiori respondens situi Gibeæ sive *collis Dei* vocat, idque vobis pollicentur Musæ in eâ habitantes, nimirum, modò non ascendere pigeat & difficultates viæ superare tædeat, fore, ut quarumvis rerum cognitione decorati ad vestros redeatis, honori & dignitati ipsis olim futuri.

Eum

*Gibeæ Gelricæ.*

Eum in finem Neomagum Proceres naturâ Gibeam, etiam dignitate Gibeam effecerunt & exaltarunt, porroque in altum tollere habent constitutum. Hanc loci opportunitatem in consilium adhibentes tandem unanimi consensu, (quem Deus inspiret precor) totius Gelriæ fœderatæ Ordines efficient, ut quemadmodum cœpit Academia, ita pergat spretis Athenis in Latium migrare, ut Claudiani Poëtæ verbis utar, & ex Ramæ lapidibus dirutis Gibeæ nostræ ædificetur ac magis magisque confirmetur.

Sed non tantum in eo convenit Situs Gibeæ Israëliticæ cum hac Neomagensi, quod utraque elatior reliquâ terra ab ea in altitudinem assurgit, sed

*Christophori Wittichii*

sed alia præterea respectu situs sese hîc offert egregia similitudo. Si enim Geographicam terræ Judaicæ descriptionem spectes, erat Gibeæ in termino Judæ, separans Judæos veros Dei confessores ab Ifraëlitis Idololatriis, qui secessione factâ à domo Davidis sibi ipsis Regem Jeroboamum constituerant, atque ab eo per erectionem vitulorum à Deo vero abducti in turpem Idololatriam fuerant præcipitati. Quis non videt, quàm hæc Gibeæ nostræ convenient? Est illa terminus Judæ hoc est *Dei confessorum* Meridiem versus, quò si procedas ad fratres quidem sanguine & stirpe sive ejusdem gentis, sed Idololatrias & Antichristi asseclas confessores Dei omni odio prosequentes pervenies. Gibeæ nostra nomine Neomagensis

*Gibea Gelrica.*

magenfis, re Judæa juxta Dei verbum fo-  
lum Deum verum, Cœli & Terrę Crea-  
torem, unum effentiã & trinum perfonis  
confitetur, in eoque solo fiduciam ponit,  
relictis & rejectis Creaturis, Angelis &  
hominibus fanctis. Hâc confessione per-  
strepit templum, refonat Academia, re-  
pleta eft Curia. Tempus me deficeret,  
fi, quantum hâc in re Gibea noſtra Neo-  
magenfis à conterminis ſuis fratribus dif-  
ferat, vellem plenius recensere. Olim Ju-  
dæi cultum à Deo inſtitutum ſequeban-  
tur, ac religionem ab ipſo mandatam  
profitebantur, cum è contrario reliquæ  
tribus Iſraëliticæ à Deo deficientes  
hominum inventa ſectarentur, eiſque  
Deum coli poſſe ſibi perſuaderent. At-  
que in eo omnis differentia inter veros

C

Dei

*Christophori Wittichii*

Dei confessores & Idololatrias finitimos consistit. Verbum Dei normam & regulam credendorum & faciendorum constituimus, quicquid ab eo discordat rejicimus, quicquid cum eo convenit recipimus. Hoc respuunt nostri Adversarii, dum illud sine autoritate & testimonio Ecclesiae consideratum cum fabulis Aesopi comparant, Lesbiam ac plumbeam regulam saepius appellant, imò & cum Alcorano Mahometico non sine insigni blasphemia conferre audent. Nostra Gibe in folius verbi divini dictamine acquiescit, purum illud & sincerum conservans absque humanorum commentorum admixtione. Sic enim existimat, fidem scripturae habendam, ut in omnibus, ita & cum edicit: *Nil sibi esse adjiciendum.* In quo observat Tertulliani nunquam satis

*Gibea Gelrica.*

tis laudatam sententiam : *Cum credimus, hoc primum credimus, nihil esse quod ultra credere debeamus.* At contermina Israëlis Idololatrica regio varias traditiones humanas non tantum à Patribus superiorum seculorū, sed etiam à recentibus Pontificibus Romanis profectas verbo divino affuit, parem iis dicto, facto majorem authoritatem attribuens. *Quandoquidem enim saluberrimum lac ex Scripturæ uberibus manans fastidit, digna est, quæ traditionum siliquis, quibus solis inhiat perpetuò pascatur, cuique Romana Lupa atrum tabificumq; illud, quo turget, traditionum suarum virus ex spurcissima sua ruma immulgeat, & tum nihil credendi, tum quidvis faciendi jus indulgeat, ut Tileni elegantissima verba hic usurpem.* Quemadmodum verò Gibea Neomagensis solum Dei verbum recipit, & à quâvis alia doctrinâ abhorret;



*Christophori Wittichii*

ita porrò cultum convenientem cum illo Deo exhibet , eum unicum Servatorem agnoscit , quem proram puppimque salutis constituit , nihil vel propriis viribus tribuens , vel ad aliorum auxilia respiciens. Agnoscit in salutis negotio & quoad spiritualia universalem omnium animæ facultatum corruptionem , talemque è statu primævo dejectionem , ut nec se ipsam erigere , nec quicquam ad sui restorationem conferre possit. Gratiæ itaque divinæ prævenienti , disponenti , convertenti omnem refert acceptam , quæ in conversione obtingit , mutationem. Unam Christi amplectitur pro peccatis plenissimam satisfactionem & meritum , quo se remissionem peccatorum & veram iustitiam consequi credit. Huic uni Servatori

*Gibea Gelrica.*

tori in totâ vitâ adheret, hunc solum in necessitatibus invocat, ejusque unius intercessione apud Patrem nititur, certò sibi persuadens, fore, ut ad istum suum Filium oculos Pater reflectens Ecclesiam suam mysticâ amore complectatur, eamque usque ad finem in vera fide contra insultus hostium infernalium conservet. Itaque ei Christus lucrum in vitâ & in morte. E contrario pars adversa Christum veram scaturiginem aquarum dereliquit, & effodit sibi cisternas fractas, quæ non capiunt aquas. Hæc enim abeunt ad paludes limosas propriarû Lib. Arb. virium, quibus præparationem ad gratiam & cooperationem cum gratia assignant; Illæ deflectunt ad colluviem ex meritis & satisfactionibus Sanctorum collectam,

*Christophori Wittichii*

quibus refocillari defiderant, undiquâque  
femetipfos graviter fallentes, sibi que fu-  
cum faciētes. Atque inde fit, ut quia  
tam infirmis innituntur fulcris, dum mo-  
riendum est, ferè verbis Adriani Impera-  
toris animam alloqui teneantur: *Animula  
vagula, blandula, Hospes comesque corporis, Quæ  
nunc abibis in loca? Pallidula, rigida, nudula, Nec  
ut soles dabis jocos?* Tanto intervallo disti-  
det Gibeæ nostra à confini ejusdem natio-  
nis terrâ, à qua tamen nullo ferè interval-  
lo distat. Ac quamvis Gibeæ huic Judææ,  
Gibeæ confitenti sint intermixti deserto-  
res Idololatræ intra eadem mania con-  
clusi, ii tamen non magis partem faciunt  
hujus nostræ Gibeæ, quam ad civitatem  
Dei pertinent cives mundi, licet in hac  
terra cum civibus Dei sint conjuncti.  
Verum

*Gibea Gelrica.*

Verùm non dilatabo orationem meam: etenim posset esse hîc fatis longa, si mihi liberet ire per singula, sed ulterius progrediar, atque aliam inter Gibeam & nostram Urbem comparationem institutam. Gibea erat sedes Saulis sive Regia ejus Urbs, in qua jura dabat, quò confluere oportebat Israëlitas, si de jure disceptare, atque decreta & responsa Regis accipere vellent. Sic Neomagum fuit sedes Imperii, Imperatoris Caroli M. regia, qui arcem Noviomagi magnà curâ instauravit, eamque sibi in Palatium delegit, quod, quia nulli dynastæ esse obnoxium, nulliusque Imperium quàm solius Imperatoris agnoscere voluit *Palatium publicum* nominavit, remanente illà apud posteros appellatione.

Unde

*Christophori Wittichii*

Unde post eodem sensu Suentiboldus Rex Imperatoris Arnulphi filius *Palatium Regium* hanc Imperii sedem appellat, quæ admodum ex tabulis ipsius Odilbaldo Episcopo datis Vir literatissimus Dn. Joh. Smith commemorat. Hujus suæ dignitatis principium ut Carolo M. tanquam primo fundatori Neomagum refert acceptum, ita ejusdem continuationem & conservationem Carolingis, atque Imperatoribus qui successerunt adscribit, qui hoc Palatio similiter tanquam Regiâ domo fuerunt usi. Neque parum facit ad rei hujus confirmationem Nomen *Imperii*, quo & hodie & olim in literis antiquis Neomagum fuit designata.

Confinis est priori & hæc Gibeæ cum Neomago comparatio. Gibeæ olim fuit

Me-

*Gibeā Gelrica.*

Metropolis Benjaminitarum, hanc excellentiam exinde nacta, quòd regiam suam sedē Saul ibi constituerit, quam ob causam eadē dignitas & Neomago venit assignanda, cujus tamen etiam alia sunt argumenta. Huc enim facit nomē *Urbis* per excellentiam huic oppido attribui solitū, uti ex antiquo fragmine tabulæ æneę hīc effossæ cognoscere licet; quod nomen si singularem non adstruere Neomago præstantiam videtur, saltem eam Epitheton *Principalis*, quo hæc Urbs à Carolo V. fuit decorata, manifeste demonstrabit, ut nunc Historicorum non advocem testimonia, qui Gelricæ gentis *Caput* vocant, atque nominis vetustate, populi frequentia & opum magnitudine primas tenere constanter perhibent

D

Con-

*Christophori Wittichii*

Confirmant dignitatem privilegia amplissima, excellentissima, quibus ante alia celebriora Romani Imperii Oppida fuit hæc dotata Civitas, quæ speciatim recensere hîc supersedeo. Sed non levem auctoritatem & fidem meæ orationi conciliat Neomagensiû authoritas ultro à totâ ditione & duce ipso iis delata, quâ & primarias in totius Ducatus administratione obtinuerunt partes, & soli sæpe totius regionis apud Ducem atq; exteros Principes, aliquando etiam Ducis simul & Provinciæ causam egerunt. In cæteris hæc eorum authoritas effecit, ut quò ipsi inclinarent, grande semper toti rei agendæ adjecerint momentum. Atque hanc suam auctoritatem Urbs Neomagensium eousque graviter defendit & tanquam

*Gibea Gelrica.*

quam propriam sibi usurpavit, ut, referente antea laudato Dn. Smith (cujus accuratæ diligentia multum debet hoc Oppidum Batavorum, nosq; magnâ ex parte accepta referimus, quæ hîc de dignitate Neomagensium differuimus) Anno 1544 non tantum ipsum Reinaldum Ducem adigerent, ut sacramento tabulisque minore sigillo roboratis promitteret, privilegia ipsorum facta atque inviolata se habiturum, sed insuper vellent, ut coràm Noviomagi concepto jurejurando fidem suam adstringeret, tabulasq; majore sigillo firmaret. Insigne quoq; excellentissime hujus Oppidi dignitatis, quòd illud Carolus V. Imperator voluerit esse inter quatuor Urbes, quæ sigillo suo appenso subscriberet fœderi quod inter septēdecim Belgii Provincias Burgundiãq; ab una parte, &



*Christophori Wittichii*

Romanum Imperium sanxerat, atque ad tollendum metum de imminuenda forte per hoc foedus dignitate, quam strenuè Batavi hâctenus defenderant cautionem de indemnitate præstiterit. Atque hanc suam dignitatē & præ reliquis harum Provinciarum Oppidis eminentiã in hunc usque diem factam & tectam conservavit, unde fit, ut dum in majoribus Comitibus omniumque Ordinum confessu reliquæ Provinciæ Gelriæ primum locum, primumque suffragium deferunt, ipsius Provinciæ Gelricæ civitates ad Neomagum & Neomagenses tanquam ad originem hujus suæ dignitatis spontè utrumque devolvant. Ita tot post bellorum vices Imperiorumque conversiones primarii principisq; Oppidi dignitatem No-

*Gibea Gelrica.*

viomago communis omnium foederati  
Belgii Ordinum consensus hodie tribuit.

Magna est hæc utriusque Gibæ & Ju-  
dæ & Neomagensis dignitas, sed acci-  
pite longe majorem. Gibea collis Dei à  
Samuele appellatur propter divinam do-  
ctrinam, quæ in Prophetarum collegio  
resonabat. Hæc istius appellationis ra-  
tio mihi sufficit, neque eam derivabo à  
commoratione arcæ Dei ad tempus in  
Gibeâ, quod video viros doctos sentire,  
qui etiam putant inde à Davide fuisse ab-  
ductam. *Kiriathyearim* enim locus arcæ ex-  
pressè appellatur, ubi resedit, donec  
à Davide abduceretur, qui locus à Gibeâ  
fatis longo intervallo distat, neque hæ  
duæ urbes ullâ ratione sunt confunden-  
dæ. Sed hoc misso si respiciamus ad prio-

*Christophori Wittichii*

rem 'appellationis rationem , non minori jure hoc nostrum Batavorum Oppidũ *Collis Dei* poterit vocari, ac olim Gibeia fuit nominata. Fuit illud ab antiquis temporibus cum totâ gente Batavâ studiosũ purioris Christianismi. Testis est Tertullianus suo tempore Christianos ab Ethnicis per contemptum *Pisciculos* fuisse vocatos , dubio procul ut sortem primorum religionis Christianæ Antistitum ( Apostolos dico , quorum multi piscaturæ operam dederunt ) ipsis exprobrarent. Notum quoque est , quòd originem cruce se signandi dederit Christianis Ethnicorum insultatio & crebrum opprobrium , *quòd colerent Crucifixum*. Ita enim testari volebant, tantum abesse , ut se crucis hujus Christi puderet, ut potius in  
igno.

*Gibea Gelrica.*

ignominiâ Crucifixi gloriam suam omnẽ  
repositam putarent. Hoc duplex oppro-  
brii signum tanquam tesseram suam non  
dubitavit Batavus quidã gemmæ in scul-  
pere quã annulo inclusã digito gestabat,  
atq; hãc ratione ostendere, se utramque  
hanc ignominiaẽ notam laudi sibi ducere  
inter suos gentiles; qui sic firmum argu-  
mentum nobis subministrat Christianis-  
mi fundamenta primis temporibus inter  
Batavos fuisse jacta. Quemadmodum ve-  
rò hoc Oppidum aliis præivit in Christo  
fufcipiendo, ita postquam diluvium Pa-  
patus omnia inundasset, fuerunt Neo-  
magenses inter primos, qui Reformatio-  
nem reciperent. Anno enim 1566. Reli-  
gionem apertè constituerunt Augusto  
mense, quando templum Johannitarum,  
quo

*Christophori Wittichii*

quo civium Fratrię convenire solebant, Reformatorem concionibus sua a uthoritate transcripserunt. Magna hæc præfecto laus omnibus aliis encomiis longè præferenda. Quamvis enim Neomagum aliarum rerum dignitate nemini cedat, sed facile de antiquitate, bellica fortitudine & similibus possit cum quibusvis civitatibus contendere, tamen in eo maximam gloriam suam positam rectè existimat, quòd Christum, cui tempore Tertulliani magnoperè adhuc gentes reluctabantur, suscepit, eumque post inchoatam Reformationem intra mœnia sua solum ejecto Antichristianismo voluerit prædicari. Huic glorię cedere oportet innumeros triumphos, devictas hostiũ acies, pyramides & colossos aëre medio pen-

*Gibea Gelrica.*

pendentes, ædificia splendore insignia,  
& quodvis aliud rerum humanarum fa-  
stigium. Fluxus est splendor omnium  
rerum terrenarum, evanidus & perpe-  
tuitate caret: At gloria de Christo & in  
ipso per omnia secula manet, nec un-  
quam peritura est. Qui confitetur Chri-  
stum coram hominibus, eum ipse confi-  
tebitur coram suo Patre cœlesti, & quan-  
do apparebit in sua gloria eum gloriosè  
fufcipiet, perpetuaque explebit felicitate.  
Tunc quicquid fuit sublime in mundo  
deprimetur, tunc colles alti dejicientur,  
quibus hoc in orbe terrarum superbive-  
runt homines terreni: at *hic Collis Dei* e-  
xaltabitur & vera gloria coruscabit. Glo-  
ria enim hæc non est in carne, nec de illa,  
sed de Christo. Non adversatur gloriae

E

divinae

*Christophori Wittichii*

divinæ , ut alia quævis rebus externis & terrenis nixa , atque eo ipso gloriæ Dei detrahens, sed è contrario Deum magnificat & extollit.

Gaude ergo Batavorum Oppidum hâc tuâ excellentiâ, atque eam omnis alterius tuæ felicitatis reputa fundamentum. Inde existima, quòd ut olim Deus Gibæ conservavit libertatem medios inter hostes & adversarios infensissimos populi sui Philistæos ; ita etiam hâc in parte te ei voluerit esse æqualem , ut libera esses etiam tùm, quando aliæ gentes duram servitutem serviebant , nec erat spes humana , quæ tuam Libertatem sustentaret. Providentiam Dei effecisse, ut Gibæ incolis etiam cùm stationes Philistæorum ibi positæ essent sua libertas fuerit permissa

*Gibeæ Gelrica.*

missa, colligere licet ex historiâ populi Is-  
raëlitici à Samuele amanuense Dei ex di-  
vina inspiratione descriptâ, qui narrat eo  
tempore Sauli occurrisset Prophetarum  
turbam liberè de colle Dei, qui in Gibeâ,  
descendentium & prophetantium. Ei-  
dem Providentiæ divinæ singulariter er-  
ga te affectæ ô Neomagû adscribes, quòd  
ad hæc usque tempora Libertate plenâ  
fueris usa. Hæc olim frænum imposuit  
Romanis rerum dominis, ut dum totam  
Galliam sibi subjicerent, Germanorumq;  
trans Rhenum libertatem non parùm  
imminuerent, eam tibi fartam tectamq;  
relinquerent, permittendo Batavis, ut  
suo jure, Magistratu, Legibusque ute-  
rentur, ab oneribus & tributis essent e-  
xempti, neque aliud quid præstarent,  
E 2 quàm



*Christophori Wittichii*

quàm ut Majestatem populi Romani observarent comitèr , illèsa Libertate avita, atque in obsequio essent , parati ad auxilia præstanda , necessitate ea postulante, què tamen Romanis præfectis non subessent , sed à quodam popularium regerentur. Dei ope singulari inter variam multorum seculorum fortunam decus antiquè Libertatis servavistis : ut nec sequioribus temporibus , cum vestra Civitas oppignerata jam esset & premeretur, fuerit oppressa, aut decus amiserit , sed felici fato ad foedus liberi Belgii, quòd Ultrajecti percussum , libertatem incolumem & integram , qualis à majoribus relicta erat attulerit ; cum rursus in hostium redacta potestatem esset , dignitatem retinuerit ; & ad foedus tandem sociale

Bel-

*Gibea Gelrica.*

Belgii, manente prisca privilegiorum  
reverentia, id quod stipulata est, se re-  
ceperit. Eadem libertas ut porrò con-  
servetur, providebit Deus, idque ob re-  
ceptum collegium Prophetarum intra  
Noviomagi muros, sive institutam Aca-  
demiam. Illud enim certò sibi promitte-  
re poterit, quod Micha falsò sibi persua-  
serat, Deum sibi benefacturum, non quòd  
habeat Levitam in Sacerdotem, sed quòd  
variis doctoribus juventutis ei sit provi-  
sum. Florebit hæc Urbs impofterum o-  
pe & auxilio divino adjuta.


Ex his omnibus apparet, nullam esse  
Gelricę Urbem, quę meliori ratione cum  
Gibea possit comparari, nullamque cui  
majori jure Academia debeat assignari,  
quàm Neomagum, cùm tanta præ aliis


*Christoph. Wittichii Gibeae Gelrica.*  
dignitate emineat, quæ occasione hujus  
comparationis ex parte fuit ostensa. Ita-  
que quod restat his relictis ad Inaugura-  
tionem Novi Rectoris Magnifici hujus  
Universitatis nunc accedo, &c.

FINIS.



MS  
12  
13  
14





3:3:-